

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 285592 23 St
Tuzla, 02.03.2023. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom „**NAAM CONSULTING“ doo Tuzla**, za proizvodnju, promet i usluge, ul. Slavinovići-Kula F/C, sa podružnicom „**NAAM CONSULTING“ doo Tuzla**, za proizvodnju, promet i usluge, podružnica br.2 Sarajevo, ul. Drinska br. 142A, Novo Sarajevo, opština Sarajevo, nakon provedenog stečajnog postupka donio je dana 02.03.2023. godine slijedeće

RJEŠENJE

DIREKTNO SE OTVARA stečajni postupak nad imovinom dužnika „**NAAM CONSULTING“ doo Tuzla**, za proizvodnju, promet i usluge, ul. Slavinovići-Kula F/C, sa podružnicom „**NAAM CONSULTING“ doo Tuzla**, za proizvodnju, promet i usluge, podružnica br.2 Sarajevo, ul. Drinska br. 142A, Novo Sarajevo, opština Sarajevo, matični broj subjekta 32-01-0156-11, JIB: 4210045450006, račun broj: 1321002011181130 otvoren kod NLB banke d.d Sarajevo.

Za stečajnog upravnika imenuje se Senad Uzunić iz Tuzle, ul. Izeta Sarajlića 5C.

ZAKLJUČUJE SE stečajni postupak nad imovinom dužnika „**NAAM CONSULTING“ doo Tuzla**, za proizvodnju, promet i usluge, ul. Slavinovići-Kula F/C, sa podružnicom „**NAAM CONSULTING“ doo Tuzla**, za proizvodnju, promet i usluge, podružnica br.2 Sarajevo, ul. Drinska br. 142A, Novo Sarajevo, opština Sarajevo, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj 32 0 L 285592 16 L od 07.11.2016. godine, otvoren je likvidacioni postupak nad imovinom društva „**NAAM CONSULTING“ doo Tuzla**, za proizvodnju, promet i usluge, ul. Slavinovići-Kula F/C, sa podružnicom „**NAAM CONSULTING“ doo Tuzla**, za proizvodnju, promet i usluge, podružnica br.2 Sarajevo, ul. Drinska br. 142A, Novo Sarajevo, opština Sarajevo, a za likvidatora imenovan je Damir Čilimković advokat iz Tuzle.

Oglas o otvaranju likvidacionog postupka, kojim se pozivaju povjerioci da prijave svoja potraživanja, objavljen je u Službenim novinama F BiH broj 90/16 dana 16.11.2016. godine i na oglasnoj ploči suda dana 08.11.2016. godine.

U zakonskom roku pristigle su prijave potraživanja povjerioca; Porezna uprava F BiH, KPU Tuzla, Zavod zdravstvenog osiguranja TK, Uprava za indirektno oporezivanje Tuzla, JP Hrvatske telekomunikacije dd Mostar -HT Eronet. Kako je likvidator u likvidacionom postupku osporio prijavu JP Hrvatske telekomunikacije dd Mostar -HT Eronet, to je postupak likvidacije prekinut do okončanja parničnog postupka po tužbi povjerioca i to dana 30.10.2017. godine. Po okončanju parničnog postupka nastavljen je likvidacioni postupak te održano ročište dana 14.11.2022. godine na kojem je likvidator

priznao sva potraživanja povjerilaca kao i povjerioca JP Hrvatske telekomunikacije dd Mostar -HT Eronet, budući da je isti uspio u parničnom postupku.

Kako je likvidator priznao potraživanja povjerilaca, i istakao da društvo na dan sačinjavanja izvještaja od strane likvidatora ne posjeduje nikakvu imovinu, to je predložio je sudu da postupi shodno odredbi člana 9. stav 2. Zakona o likvidacionom postupku, na način da obustavi likvidacioni postupak i izjašnjenje likvidatora smatra prijedlogom za direktno otvaranje stečajnog postupka, sve iz razloga što se iz dostajuće imovine ne mogu izmiriti kako troškovi likvidacionog postupka tako ni sama priznata potraživanja.

Imajući u vidu da u smislu odredbe člana 2. stav 1. Zakona o likvidacionom postupku, propisano je da se postupak likvidacije provodi radi namirenja svih povjerilaca pravnog lica, unovčenju njegove imovine, a kako likvidacioni dužnik prema izjavi i dostavljenom izvještaju od strane likvidatora ne posjeduje imovinu koja bi činila likvidacionu masu za namirenje potraživanja povjerilaca, sud je dana 19.12.2022. godine donio rješenje kojim se obustavlja likvidacioni postupak, koje rješenje je objavljeno u Službenim novinama broj 103/22 od 28.12.2022. godine i postalo pravosnažno dana 09.01.2023. godine.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), sud je rješenjem od 18.01.2023. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 5/23 dana 25.01.2023. godine, oglasnoj tabli suda dana 19.01.2023. godine i na web stranici suda.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.